

Si e lo tabata na bida, awe e politico Edgard Joaquin (Watty) Vos lo a cumpli 88 aña di edad, pero el a bay laga nos dia 6 di januari 2001. E tabata Minister di Husticia y Salubridad di aña 1986 te 1989 y Minister di Husticia y Obra Publico di 1994 te su fayecimento dia 6 di januari 2001. Prome cu esey e tabata Minister di Antias Hulandes y vicepremier den Gabinete Evertsz di aña 1973 pa 1975.

Watty Vos a nace dia 16 di augustus 1937, na Weststraat 16 den Rancho, un barrio historico. E tabata e di 4 for di 5 yiu di e pareha Salomon y Genoveva Vos-Tromp. Como estudiante Watty a bay St. Dominicus College. Despues di caba MULO na 1955 el a drenta servicio di Teritorio Insular di Aruba. Vos a sigui studia, obteniendo su diploma di adjunct-commies y abogado na aña 1970.

Na 1993 el a casa cu Tibizay Ureña y hunto nan a haya dos yiu. El a fayece dia 6 di januari 2001 na edad di 63 aña den un hospital na Houston (Merca). Pa mas di tres aña e tabata sufri di e efectonan di cancer limfatico. Como minister den funcion el a ricibi e honor di un entierro estatal.

